

本
草
原
始

本草原始卷之二

草部中

萹耳

即蒼耳

葛根

葛花
葛粉

桔樓

根子

苦參

麻黃

通草

即木通

芍藥

白赤二種

瞿麥

秦朮

百合

知母

貝母

白芷

淫羊藿

黃芩

狗脊

茅根

紫菀

紫草

前胡

白鮮

紫參

藁本

石韋

草薺

白微

香薷

艾

惡實

即牛旁子

地榆

大薊

小薊

海藻

昆布

海帶

水萍

即浮萍

澤蘭

防已

天麻

高良薑

紅豆蔻

百部

款冬花

紅藍花

牡丹

三稜

薑黃

葶撥

鬱金

玄胡索

草豆蔻

肉豆蔻

補骨脂

即破故紙

縮砂密

即砂仁

蓬莪茂

白前

白藥

紅草

莎草根

即香附子

葶澄茄

胡椒

胡黃連

鱧腸

即旱蓮草

使君子

白豆蔻

草部中六十六種附名者二種

本草原始卷之二

雍丘正字李中立纂輯並書畫

草部中

菜耳始生安陸川谷及六安田野。今處處有之。謹按詩人謂之卷耳。爾雅謂之蒼耳。幽州人呼爲爵耳。皆以實得名也。其葉形如菜麻。故本經名菜耳。又如茄。故本草綱目名野茄。又如粘糊菜。可煮爲茹。故弘景謂之常思菜。記事珠謂之進賢菜。陸機詩疏云。其實正如婦人耳璫。今或謂之耳璫草。博物志云。洛中有

人驅羊入蜀。胡藟子多刺。粘綴羊毛。遂至中國。故一名羊負來。

俗呼爲道人頭。

藟耳其温有小毒

主治風頭寒痛風濕周痺四肢拘攣痛惡肉死肌膝痛久服益氣耳目聰明強志輕身○治肝熱明目○治一切風氣填髓暖腰脚治療癰疥瘡及瘙癢○炒香浸酒服去風補益

藟耳即蒼耳

本經中品

七八月收采



蒼黑
有刺



又名菴名地葵
又名豬耳名喝起
草名縑絲草

修治藟耳炒熟搗去刺用或酒拌蒸過用
別錄曰苦權曰其無毒恭曰忌豬肉馬肉米泔害人
食醫心鏡除一切風濕痺四肢拘攣蒼耳子三兩搗末以水一
升半煎取七合去滓呷

葛根始生汝山川谷。今處處有之。春生苗引藤蔓長一二丈紫色葉頗似楸葉而小青。色其花成穗。累累相綴。紅紫色。其莢如小黃豆莢。亦有毛。其子綠色。扁扁如鹽梅子核。本經所謂葛藟是也。根形大如手臂。外紫內白。鹿食九草。此其一種。故別錄名鹿藿。爾雅翼云。葛。絺綌草也。俗呼乾葛。

葛根氣味甘平無毒

主治消渴身大熱嘔吐諸痺起陰氣解諸毒。療傷寒中風頭痛解肌發表出汗開腠理療金瘡止脇風痛。治天行上氣嘔逆開胃下食解酒毒。治胃膈煩熱。往止血痢通小腸排膿破血。傳蛇蟲咬。署箭傷。殺野葛。巴豆百藥毒。生者墮胎。蒸食消酒毒。可斷穀不飢。作粉。循妙。作粉止渴。利大小。

便解酒去煩熱壓丹石傳小兒熱瘡搗汁飲治小兒熱痞
術狗傷搗汁飲并末傳之○散鬱火

葛根
本經
中品

皮紫肉白



葛根五月五日午時采取破之暴乾以入土深者為佳今市賣
者多劈截成片用者以片寬二三指色白多麩者為良條細
色黃白少脂者乃白葛也不宜入藥

其根入土五六寸已上者名葛脰脰者頸也服之令人吐以有
微毒也

別錄曰生根汁大寒好古曰氣平味甘升也陽也陽明經行經
之藥

傷寒類要治天行時氣初覺頭痛內熱脈洪者葛根四兩水二
升入豉一升煮取半升服生薑汁尤佳

葛花似豌豆花
紅紫色可作茹



花消酒治腸
風下血

弘景曰葛花並小豆花乾末服方寸匕飲酒不知醉
乾葛臣

枯樓始生洪農山谷及山陰地今所在有之三四月生苗引藤
葉如甜瓜而窄作又有細毛七月開花似葫蘆花淺黃色結實
在花下大如拳生青至九月熟赤黃色其形有正圓者有銳而
長者功用皆同許慎曰木上曰果地下曰菰此物蔓生附木故
得名果菰詩所謂果臝之實是也綱目曰臝與菰同枯樓即果

羸二字音轉也。亦作瓠。瓠後人又轉為瓜萐。愈轉愈失其真矣。
別錄謂之天瓜。齊人謂之黃瓜。象形也。醫學入門解。栝樓白。栝
栝。隰也。樓。萐。斂也。言包斂其子在內。如栝囊也。其根直下。生年
久者長數尺。夏月掘者。有筋無粉。秋後掘者。結實有粉。皮黃肉
白。亦名白藥。作粉潔白如雪。故圖經名天花粉。

栝樓實氣味苦寒無毒

生治骨痺悅澤人面。潤肺燥降火。治欬嗽。滌痰結利咽喉。止


消渴利大腸消癰腫瘡毒

子炒用補虛勞口乾潤心肺。治吐血腸風瀉血赤白痢。手面

皴

栝樓有圓有長。皮有黃有赤。子扁類葫蘆。子殼色褐。仁色綠。

桔樓
本經
中品



圓正形



銳長形



子形

修治皮子莖根其效各別其桔形圓皮黃蒂小樓則形長皮赤
 蒂粗陰人服樓陽人服桔並去殼皮革膜及油用根亦取大
 二三圍者去皮搗爛以水澄粉用今人多用子根子去殼取
 仁去油亦有不去油微炒者根惟切用
 子剝殼用仁滲油只一度免人惡心母多次失藥潤性
 桔樓枸杞為之使惡乾薑畏牛膝乾漆及烏頭
 李仲南求類方治便毒初發者用黃桔樓一箇黃連五錢水煎
 連服効

桔樓根名天花粉氣味苦寒無毒


主治消渴身熱煩滿大熱補虛安中續絕傷除腸胃中瘡熱八

疸身面黃唇乾口燥短氣止小便利通月水○治熱狂時疾



通小腸消腫毒乳癰發背癢瘡癰排膿生肌長肉消撲損瘵

血

天花粉形



肉堅白佳



市賣係長根切成片曬乾者

修治天花粉周憲王曰秋冬采根去皮寸切水溫逐日換水四

天五粉日取出搗泥以絹衣濾汁澄粉晒乾用

用花粉使惡畏反同枯樓實

日即愈 后方治耳卒烘烘枯樓根削尖以臘豬脂煎三沸取塞耳三

始生汝南山谷及田野。今近道處處皆有之。其根黃色。長五七寸許。兩指麤細。三五莖並生。苗高三二尺已來。葉碎青色。極似槐葉。故本經名水槐。別錄名莧槐。地槐。驕槐。綱目名野槐。春生冬凋。其花黃白色。七月結實如小豆子。河北生者無花子。十月采根暴乾。苦以味名。參以功名。

苦參氣味苦寒無毒

主治心腹結氣癥瘕積聚黃疸溺有餘瀝逐水除癰腫補中明目止決。○養肝膽氣安五臟平胃氣令人嗜食輕身定志益精利九竅除伏熱腸辟止渴醒酒小便黃赤療惡瘡下部墜。○漬酒飲治疥疥蝨蟲。○治惡毒胆酸。○治熱毒風皮肌煩燥生瘡赤癩眉脫除大熱嗜睡治腹中冷痛中惡腹痛。○殺痔。

蟲炒存性米飲服治腸風瀉血并熱痢

苦參

本經

中品



根皮黃肉白

十月采根

修治苦參雷公云用糯米泔汁浸一宿其腥穢氣並浮水面上
瀆重重淘過蒸之從已至中取晒切用

元素曰苦參味苦氣沉純陰足少陰腎經君藥也

之才曰玄參為之使恐貝母兔絲漏蘆及藜蘆時珍曰伏未制

雌黃煇消

勝金方治時疾熱病狂言心燥苦參不限多少炒黃色為末每

服二錢水一盞煎至八分溫服連煎三服有汗無汗皆愈

治小兒身熱苦參湯浴兒良

始生隴西川谷今川蜀陝西諸郡及江寧府滁州皆宜之

以蜀中者爲勝。春生苗。綠葉有三瓣。七八月開花似薔。羅淺紫色。根黑黃色。二月八月采根陰乾。然苗有二種。都類芎藭。而葉有大小爲異。莖比芎藭甚卑小。根亦二種。大葉名馬尾當歸。細葉名蠶頭當歸。大抵以肉厚而不枯者爲勝。謹按爾雅云。薺。山薺。郭璞注引廣雅云。山薺當歸也。似芥而麓大。釋曰。說文云。薺草也。生山中者名薺。一名山薺。然則當歸芥類也。在平地者名芥。生山中而麓大者。名當歸也。承曰。當歸治妊婦產後惡血上衝。倉卒取效。氣血亂者。服之即定。能使氣血各有所歸。故

本草原始

草部

二卷之六

因名曰當歸。

當歸氣味苦溫無毒

主治欬逆上氣溫瘡寒熱洗洗在皮膚中婦人漏下絕子諸惡

瘡瘍金瘡灸汁飲之○溫中止痛除客血內塞中風瘕汗不

出濕痺中惡客氣虛冷補五臟生肌肉○止嘔逆虛寒熱下

痢腹痛齒痛女人瀝血腰痛崩中補諸不足○治一切風補

一切勞治一切氣破惡血養新血及瘕癖腸胃冷○主痿痺

嗜臥足下熱而痛衝脉為病氣逆裏急帶脉為病腹痛腰溶

溶如坐水中○治頭痛心腹諸痛潤腸胃筋骨皮膚治癰疽

排膿止痛和血補血

當歸
本經
中品



馬尾當歸

頭圓尾多色紫氣香肥潤者名馬尾當歸最勝他處當歸

替頭
當歸



頭大尾粗色白堅枯者為蠶頭當歸止宜入發散藥爾

修治去蘆頭以酒浸一宿或火乾日乾入藥

呆白頭止血而上行身養血而中守尾破血而下流全活血而

不走

呆曰甘辛溫氣厚味薄可升可降陽中微陰入手少陰足太陰

厥陰經血分

當歸惡薊茹濕麩畏萆薢海藻牡蒙生薑

賈相公進過牛經牛有尿血病當歸紅花各半兩為末以酒半

升煎候冷灌之差

當歸臣

麻蕒始生晉地及河東。今近汴京多有之。以滎陽中牟者為勝。苗春生。至夏五月則長及一尺已來。稍有黃花。結實如百合瓣而小。又似皂莢子味甜。微有麻蕒氣。外皮紅。裏仁子黑。根紫赤。俗說有雌雄二種。雌者於三月四月內開花。雄者無花不結子。至立秋後收採。其莖陰乾。或云其味麻。其色黃。故名麻蕒。

麻蕒氣味苦溫無毒

主治中風傷寒頭痛溫瘧發表出汗去邪熱氣止欬逆上氣除寒熱破癥瘕積聚。○五臟和氣緩急脅痛字乳餘疾止好唾通腰理解膜洩和惡氣消赤黑斑毒不可多服令人虛。○治身上毒風癩痺皮肉不仁。主壯熱溫疫山嵐瘴氣。○通九竅調血脉開毛孔皮膚。○去營中寒和泄衛中風熱。○散赤目。

腫痛水腫風腫
產後血滯

莖類節節草嫩青老黃

莖

麻黃本經中品

根紫



修治麻黃折去根節水煮十餘沸以竹片掠去上沫沫令人煩
今人惟去根節切用

麻黃根節味甘平無毒主治止汗夏月雜粉撲之
元素曰性溫味苦而辛辛氣味俱薄輕清而浮陽也升也手太
陰之藥入足太陽經兼走手少陰陽明

厚朴白微為之使惡辛夷石韋

子母秘錄治產後腰痛及血下不盡麻黃去節杵末酒服方寸

七一服二三服血下盡即止澤蘭湯服亦妙
談楚翁試驗方麻黃根黃耆等分為末飛麩糊作丸梧子大每

服一百丸淨小麥湯送下以愈為度
麻黃君

通草 始生石城山谷及山陽。今澤潞漢中江淮湖南州郡亦有之。生作藤蔓。大如指。其莖幹大者徑三寸。每節有二三枝。頭出五葉。頗類石韋。又似芍藥三葉相對。夏秋開紫花。亦有白花者。結實如小木瓜核。黑瓢白。食之甘美。南人謂之鷲獲。亦云烏獲。正月二月採枝陰乾。其枝有細孔。兩頭皆通。含一頭吹之。則氣即出彼頭。故名通草。今人呼為木通。

通草氣味辛平無毒
主治除脾胃寒熱通利九竅血脉關節令人不忘去惡蟲○療

脾疽常欲眠心煩噦出声音治耳聾散癰腫諸結不消及金
 瘡惡瘡鼠瘻疔折髀鼻息肉墮胎去三蟲○治五淋利小便
 開關格治人多瞋主水腫浮大○利諸經脉寒熱不通之氣
 ○理風熱小便數急疼小腹虛滿宜煎湯并葱飲有效○安
 心除煩止渴退熱明目治鼻塞通小腸下水破積聚血塊排
 膿治瘡癰止痛催生下胞女人血閉月候不勻天行時疾頭
 痛目眩羸劣乳結及下乳○利大小便令人小寬下氣○主
 諸瘡瘡喉痺咽腫濃煎含嚥○通經利竅導小腸火

通草
本經
中品



莖類葡萄皮似煖木肉色黃白有細孔

正月采莖陰乾

木通本經載名通草今人咸呼為木通反呼作花通脫木為
 通草不知木通即通草而作花者迺通脫木也用通草者當

細玩本經

修治去粗皮切片有紫白二色紫者皮厚味辛白者皮薄味淡

本經言味辛別錄言味甘是二者皆能通利也

果曰味甘而淡氣平味薄降也陽中陰也手厥陰心包絡手足

太陽小腸膀胱之藥也

食療云煮飲之通婦人血氣濃煎三五盞即便通又除寒熱不

通之氣消鼠瘻金瘡痿折煮汁釀酒妙

通草臣

芍藥始生中岳川谷今處處有之淮南者勝春生紅芽作叢莖

上三枝五葉似牡丹而狹長高一二尺夏開花有紅白紫數種

子似牡丹子而小秋時採根根亦有赤白二色醫學入門曰芍

灼也灼灼其花根能治病故名芍藥本草綱目曰芍藥猶焯約

灼也灼灼其花根能治病故名芍藥本草綱目曰芍藥猶焯約

也。焯約美好貌。此草花容焯約。故名芍藥。詩云：伊其相詿，贈之以芍藥。韓詩外傳云：芍藥，離草也。董子云：芍藥，一名將離。故將別贈之。本經白者名金芍藥，赤者名木芍藥。

芍藥氣味苦平無毒

主治和氣腹痛除血痺破堅積寒熱疝瘕止痛利小便益氣。通順血脈緩中散惡血逐賊血去水氣利膀胱大小腸消癰腫時行寒熱中惡腹痛腰痛。治時疾骨熱婦人血閉不通能蝕膿。治臟腑擁氣強五臟補腎氣。後諸疾治風補勞退熱除煩益氣驚狂頭痛日赤明目腸風瀉血痔瘻發背瘡疥。瀉肝安脾肺收胃氣止瀉利固。理和血脈收陰氣欬逆氣。理中氣治脾虛中滿心下痞脇下痛善噫肺急脹逆喘欬太陽執細目溜肝血不足陽維病苦寒熱帶脈病苦腹痛滿腰溶溶如坐水中。止下痢腹痛後

重○芍藥山谷花葉單根重實有力家園花葉盛根輕虛無
能一云山谷芍藥花單瓣類杓形故名芍藥
本草蒙筌云白芍藥色應西方能補能收酒炒纔妙和血脉
緩中固膝理止瀉痢為血虛腹痛捷方

南芍藥形

二月八月采根

芍藥
本經
中品

白芍藥肉牙色



南芍藥亦有齊者兩頭尖者多切片肉極堅實西芍藥亦有
尖者兩頭齊者多切片肉有花文凡用惟南為勝
本草蒙筌云赤芍藥色應南方能瀉能散生用正宜利小便
去熱消癰腫破積堅主火盛眼疼要藥

赤芍
藥形



八月采根

別錄曰酸微寒有小毒氣薄味厚可升可降陰中之陽入手足

太陰行經藥入肝脾血分

芍藥雷丸為之使惡石斛芒消畏消石龍甲小蘗反藜蘆

博濟方治五淋赤芍藥一兩檳榔一箇麵裹煨為末每服一錢

水一盞煎七分空心服

古今錄驗治咯血衄血白芍藥一兩犀角末二錢半為末新水

芍藥臣 錢七血止為限

芍藥凡婦人產後諸病切忌煎嘗因其酸寒恐伐生發之性故

也。儻不得已要用桂酒漬炒少加血虛寒人亦禁莫服冬月

減芍藥以避中寒此經言可徵矣

瞿麥 始生太山川谷。今處處有之。苗高一尺以來。葉似地膚而

尖小。又似初生小竹葉而細窄。其莖纖細有節。稍間開花有紅

本 草 原 台 草 下 二 卷 上 一

紫赤數色。二月至五月開。七月結實作穗。子頗似麥。故名瞿麥。按陸佃解韓詩外傳云。生于兩傍謂之瞿。此麥之穗旁生故名。爾雅謂之蘧麥。本經謂之巨句麥。廣雅謂之芘萎。別錄謂之大蘭。綱目謂之南天竺草。日華子謂之石竹。

穗氣味苦寒無毒

主治關格諸癥結小便不通出刺決癰腫明目去翳破胎墮子

下閉血○養腎氣逐膀胱邪逆止霍亂長毛髮○主五淋月經不通破血塊排膿

葉主治痔瘻并瀉血作湯粥食不消小兒蛔蟲及丹石藥發并


眼目腫及腫毒搗傅治浸淫瘡婦人陰瘡

凡使瞿麥只用蒞殼不用莖葉若一時同使即空心令人氣噎


小便不禁也

瞿麥
本經
中品

俗呼石竹



瞿麥葦草牡丹為之使惡蠹蛸伏丹砂○按經云采實實中子
至細燥熟便脫盡今市人惟合莖葉用而實正殼空無子爾
崔氏治魚臍瘡毒腫燒灰和油傅於腫上甚佳
瞿麥臣


始生河間山谷及宛句。今處處有之。二月生苗。葉似脂麻。
又如槐柳。莖青紫色。七月開花青碧色。八月結子黑色。亦有

本草綱目 卷之九 女
白。花。莖。方。大。紫。赤。色。而。有。細。毛。有。節。若。竹。者。高。五。六。尺。葉。如。掌。
大。而。尖。長。如。鋸。齒。其。根。尖。長。生。青。白。乾。即。紫。黑。新。者。潤。膩。一。根。
可。生。五。七。枚。三。月。九。月。採。暴。乾。李。時。珍。曰。玄。黑。色。也。陶。弘。景。曰。
其。莖。微。似。人。參。故。名。玄。參。又。一。名。黑。參。

玄參氣味苦微寒無毒

主治腹中寒熱積聚女子產乳餘疾補腎氣令人明目○主暴
中風傷寒身熱支滿狂邪忽忽不知人溫瘧洒洒血痕下寒
血除胸中氣下水止煩渴散頸下核癰腫心腹痛堅癥疔疔
臟久服補虛明目強陰益精○熱風頭痛傷寒勞復治暴結
熱散癰瘰癧癰
治遊風補勞損心驚煩燥骨蒸傳尸邪氣止健忘消腫毒
滋陰降火解斑毒利咽喉通小便血滯

玄參
本經
中品

肉黑堅實者佳

根形



修治玄參用蒲草重重相隔入甑蒸兩伏時晒乾用勿犯銅器
餌之噎喉喪目

別錄云味鹹元素曰足少陰腎經君藥也治本經須用之才曰

惡黃耆乾薑大棗山茱萸反藜蘆

衛生易簡方治鼻中生瘡玄參末塗之或以水浸軟塞之
玄參使

秦 始生飛鳥山谷今河陝州郡多有之其根土黃色而相交

糾長一尺已來麤細不等枝幹高五六寸葉婆婆連莖梗俱青

色如萵苣葉。六月中開花紫色似萵花。當月結子。每於春秋采根陰乾。以出秦中根作羅紋交糾者佳。故名秦苳。

秦苳氣味苦平無毒

主治寒熱邪氣寒濕風痺肢節痛下水利小便○療風無問久新通身攣急○傳尸骨蒸治痺及時氣○牛乳點服利大小便療酒黃疸鮮酒毒去頭風○除陽明風濕及手足不遂口噤牙痛口瘡腸風瀉血養血榮筋○泄熱益膽氣○治胃熱虛勞發熱

秦苳
中品



根形土黃色以左文者為良

修治秦艸破開除土去蘆以濕布拭淨日乾用
別錄曰辛微溫陰中微陽可升可降入手陽明經萹蒲為之使

畏牛乳

貞元廣利方治黃疸皮膚眼睛如金色小便赤心煩口乾者以
秦艸三兩牛乳一大升煮取七合溫服又孫真人方加芒硝
六錢

百合始生荊州川谷今近道處處有之春生苗高數尺莖粗如

箭四面有葉如雞距又似柳葉青色近莖處微紫莖端碧白四
五月開紅白花如石榴甯而大根如葫蒜重疊生二三十瓣因
根以衆瓣合成故名百合或云專治百合病故名百合

百合氣味甘平無毒

主治和氣腹脹心痛利大小便補中益氣○除浮腫臃脹痞滿

寒熱通身疼痛及乳難喉痺止涕淚○百邪鬼魅涕泣不止
除心下急滿痛治脚氣熱欬○安心定膽益志養五藏治頭
邪狂叫驚悸產後血運殺蠱毒氣脇癰發背諸瘡腫○心急
黃宜蜜蒸食之○温肺止咳○治百合病

百合
本經
中品



百合辦似蓮花瓣鮮者色白乾者色黃白二月八月采日乾
修治槌破入藥鮮者可蒸可煮和肉更美乾者作粉食益人
聖惠方治傷寒百合病腹中滿痛用百合一两炒令黃色搗為
散不計時候粥飲調下二錢服 百合使



始生河內川谷今瀕河諸郡及解州滁州亦有之根黃色


似菖蒲而柔潤葉類韭四月開花如韭花八月結實二月八月

採根暴乾。補陰藥用之。以其能知血之母也。故名知母。


知母氣味苦寒無毒

主治消渴熱中除邪氣肢體浮腫下水補不足益氣○療傷寒
久瘡煩熱脇下邪氣膈中惡及風汗內疽多服令人洩○心
煩躁悶骨熱勞性未產後羸勞腎氣勞增寒虛煩○熱勞傳
尸疰痛通小腸消痰止咳潤心肺安心止驚悸○涼心去熱
治陽明火熱瀉膀胱腎經火熱厥頭痛下痢腰痛喉中腥臭
○瀉肺火滋腎水治命門相火有餘

知母
本經
中品



根形
皮黃有毛肉白



知母亦有無毛者

肥潤者佳

知母狀如蚘又一名蚘母

爾雅名蕁

修治知母揀肥潤肉白者去毛切片勿犯鐵器引經上行則用

酒浸焙乾下行則用鹽水潤焙

元素曰氣寒味大辛苦氣味俱厚沉而降陰也陰中微陽腎經

本藥入足陽明手太陰經氣分

知母得黃蘗良能伏鹽及蓬砂

肘後方用知母治溪毒大勝其法連根葉搗作散服之亦可按

水搗絞汁飲一二升夏月出行多取此屑自隨欲入冰先取

少許投水上流便無畏兼辟射工亦可和水作湯浴之甚佳

知母君

貝母

始生晉地。今河中江陵府鄧壽隨鄭蔡潤滁州皆有之。二

月生苗莖細青色葉亦青似蕎麥葉隨苗出七月開花碧綠色。

形如鼓子花。十月採根暴乾根有瓣子黃白色如聚貝子故名。

貝母詩云言采其蔕即此也。

氣味辛平無毒

主治傷寒煩熱淋瀝和氣疝瘕喉痺乳難金瘡風癭○療腹中
結實心下滿洗洗惡風寒目眩項直欬嗽上氣止煩熱渴出
汗安五藏利骨髓○服之不饑斷穀○消痰潤心肺未和沙
糖丸含之止咳燒灰油調傅人畜惡瘡歛瘡口○主胸脇逆
氣時疾黃疸研末點目去膚醫以七枚作末酒服治產難及
胞衣不出與連翹同服主項下瘰癧疾

貝母本經中品



色白



西

兩瓣成一顆有心

西貝母色白體輕雙瓣

南貝母色青白體重單粒

凡用以黃白輕鬆者為真油黑重硬者為劣西者南者俱宜入
劑而西者尤良貝母中獨顆圓不作兩瓣者號曰丹龍睛誤
服令人筋脉不收

今出近道者葉如栝樓而細小其子在根下如芋子正白四方

連累相着有分解也入藥無能堪醫馬而已

修治貝母於柳木灰中炮黃去內口鼻中有米許大心一顆後

拌糯米於鐵上同炒待米黃去米用今惟去心任用

近有無恥小人以製過半夏劑成兩瓣內入髮心合為一顆仿

佛西貝母形狀欺人深為可恨買者宜細辨之

別錄曰苦微寒厚朴白微為之使惡桃花畏養丸莽草礞石反

烏頭

昔江左嘗有商人左膊上有瘡類人面亦無它苦膏或戲滴酒

口中其面亦赤色以物食之亦能食食多則覺膊內肉脹起

或不食之則一臂痺有善醫者教其歷試金石草木之藥無

若至貝母其瘡迺展眉閉口商人喜曰此藥可治也因以葦

筒毀其口灌之數日成痂遂愈

貝母臣

白芷 始生河東川谷下澤。今所在有之。吳地猶多。根長尺餘。白

色粗細不等。枝幹去地五寸已上。春生葉相對。婆婆紫色。闊三指許。花白微黃。入伏後結子。立秋後苗枯。二月八月採根暴乾。徐錯云。初生根幹爲芷。則白芷之義。取乎此也。許慎說文云。晉謂之薺。齊謂之菹。楚謂之離。又謂之葯。生於下澤芬芳。與蘭同德。故騷人以蘭菹爲詠。本經名芳香。別錄名澤芬。今人每呼爲香白芷。

氣味辛溫無毒

主滯女人淋下赤白血閉陰腫寒熱頭風侵目淚出長肌膚潤澤顏色可作面脂。○療風邪久渴吐嘔兩脇滿頭眩日瘡可作膏藥。○治目赤努肉去面疔疵癰補胎漏滑落破宿血補

新血乳癰發背癰瘰腸風痔瘻瘡疥癬止痛排膿○能蝕膿止心腹血刺痛女人瀝血腰痛血崩○鮮利手陽明頭痛中風寒熱及肺經風熱頭面皮膚風痺燥癢

白芷
本品



稍



根



色白氣香者佳

修治采得根洗刮寸截以石灰拌勻晒收為其易蛀并欲色白

也入藥水潤微焙切片

元素曰氣溫味苦大辛氣味俱輕陽也手陽明引經本藥同升

麻則通行手足陽明經亦入手太陰經

白芷當歸為之使惡旋覆花制雄黃硫黃

談莖翁試效方治偏正頭風百藥不治一服便可天下第一方

也香白芷炒二兩五錢川芎炒甘草炒川烏頭半生半熟各

一兩為末每服一錢細茶薄荷湯調下

白芷君

淫羊藿

俗名仙靈脾。始生上郡陽山山谷。今江東陝西泰山漢中湖湘間皆有之。葉青似杏葉，上有刺，莖如粟稈，根紫色，有鬚。四月開花白色，亦有紫色。碎小獨頭子。五月採葉曬乾。陶隱居云：服此使人好鳥陰陽。西川北部有淫羊，一日百遍合，蓋食藿所致，故名淫羊藿。


氣味辛寒無毒

主治陰痿絕傷，莖中痛，利小便，益氣力，強志。○堅筋骨，消癰瘰，赤癰，下部有瘡，洗出蟲，丈夫久服，令人無子。○起死絕陽無子，女人絕陰，無子，老人昏耄，中年健忘，一切冷風勞氣，筋骨攣急，四肢不仁，補腰膝，強心力。

生處不開水聲者良

淫羊藿
本經中品

葉青似杏葉有刺莖淡紫
根深紫色



用葉者多亦有用根
者關中呼為三枝九
葉草

修治淫羊藿用夾刀夾去葉四畔花刺盡後細剉用羊脂相
對拌炒待羊脂盡為度每修事一斤用羊脂四兩
保昇曰性溫之才曰薯蕷為之使得酒良亦使紫芝
食醫心鏡益丈夫興陽理腰膝冷淫羊藿一斤酒一斗浸經三
日飲之佳

黃芩

始生秭歸川谷及寬旬。今川蜀河東陝西近郡皆有之。苗

長尺餘。莖幹麤如筋。葉從地四面作叢生。類紫萼。高一尺許。亦有獨莖者。葉細長青色。兩兩相對。六月開紫花。根黃色。長四五寸。二月八月採根暴乾。根圓實者。弘景名子苓。俗呼條苓。破者名宿苓。俗呼片苓。內心空腐色黯者。本經名腐腸。別錄名空腸。名內虛。吳普名妬婦。妬婦心黯。故以比之。說文苓作荃。謂其色黃也。

氣味苦平無毒

主治諸熱黃疸。腸澼。洩痢。逐水。下血。閉惡。瘡疽。蝕火。瘍。○療痰熱。胃中熱。小腹絞痛。消穀利小腸。女子血閉。淋露。下血。小兒腹痛。○治熱毒骨蒸。寒熱。往來。腸胃不利。破擁氣。治五淋。令

人宜暢支關節煩悶解熱渴○下氣主天行熱疾丁瘡排膿
 治乳癰發背○京心治肺中濕熱瀉肺火上逆療瘰上熱目
 中腫赤瘀血壅盛上部積血補膀胱寒水安胎養陰退陽○
 治風濕熱痛頭痛火效諸失血

條芩形
圓堅實



色黃者良

片芩破瓢成



枯芩中
心朽爛



本經云三月三日採根陰乾

修治黃芩治上膈病酒炒為宜治下焦病生用最妙

別錄曰大寒味薄氣厚可升可降陰也陰中微陽宿芩入手太

陰血分子芩入手少陽陽明經

山茱萸龍骨為之使惡蔥實畏丹砂牡丹藜蘆得厚朴黃連止

腹痛得五味子牡蠣令人有子得黃耆白欬赤小豆療鼠瘻

得酒上行得豬膽汁除肝膽火得紫胡退寒熱得芍藥治下痢

得桑白皮瀉肺火得白朮安胎

梅師方治火丹杵黃芩末水調傅之黃芩臣

狗脊始生常山川谷今太行山淄溫眉州亦有之苗尖細碎青

色高一尺以來無花其莖葉似貫仲而細其根黑色長三四寸

大如兩指許多歧狀如狗之脊骨故名狗脊一種有金黃毛狀

如金毛狗俗每呼為金毛狗脊

氣味苦平無毒

主治腰背強關機緩急周痺寒濕膝痛頗利老人○療失溺不
節男女脚弱腰痛風邪淋露少氣目闇堅脊利俛仰女子傷
中關節重○男子女人毒風軟脚軟腎氣虛弱續筋骨補益
男子○強肝腎健骨治風虛

根形

狗脊本經中品



春秋采

狗脊有金黃毛肉青綠色亦有赤色者市賣皆此樣也

修治剉炒去毛鬚用

別錄曰其微溫葷蕪為之使惡敗醬莎草

吳棣藍要治病後足腫用狗脊煎湯漬洗

茅根 始生楚地山谷田野今處處有之春生苗布地如針俗謂

之茅針。夏開白茸花。易曰：藉用白茅。即此也。根有節如管。故本經名地管。詩云：白華菅兮。白茅束兮。是也。醫學入門曰：茅，胃也。毛也。冒然而生。為地之芼也。

氣味：其寒無毒。

主治：勞傷虛羸。補中益氣。除瘀血。閉寒熱。利小便。○下五淋。除客熱。在腸胃止渴。堅筋。婦人崩中。久服利人。○主婦人月經不勻。通血脈。淋瀝。○止吐衄。諸血傷寒。噦逆。肺熱。喘急。水腫。黃疸。解酒毒。

根至潔白。味至甘美。甚益小兒。

茅根
本經中品



千金翼治吐血不止用白茅根一握水煎服之
茅根臣


紫苑

生房陵山谷及真定邯鄲今耀成泗壽台孟興國諸州皆

有之三月內布地生苗葉其葉三四相連五月六月內開黃紫
白花結黑子本有白毛其根色紫而柔宛故名紫苑。

紫苑本經中品

氣味苦溫無毒○主治欬
逆上氣胸中寒熱結氣去
蠱毒痿躄安五藏療欬唾
膿血止喘悸五勞體虛小
兒驚癇治尸疰補虛下氣
勞氣虛熱百和鬼魅調中
消痰止渴潤肌膚添骨髓
益肺氣主息賁



二月三月采根陰乾

修治紫菀去頭及土用東流水洗淨以蜜浸一宿至明放火上焙乾用一兩用蜜二分

別錄曰辛之才曰欬冬為之使惡天雄瞿麥藜蘆本雷九遠志畏茵陳

千金方治婦人卒不得小便紫菀末以井花水服三撮便通小便血服五撮立止紫菀正

紫草始生礪山山谷及楚地今處處有之人家或種之苗似蘭

香莖赤節青二月開花紫白色結實白色三月采根陰乾此草

根紫可以染紫故名紫草別錄名紫丹一名紫菜

紫草氣味苦寒無毒

主治心腹邪氣五疔補中益氣利九竅○通水道療腫脹滿痛以合膏療小兒瘡及面皴○治惡瘡癩癬○治斑疹痘毒活血涼血利大腸

紫草本經中品

根紫色



外紫內白

修治紫草每一兩用蠟二錢溶水浸之待水乾去蘆剉用或以

酒洗剉用

入手足厥陰經

千金翼治卒小便淋瀝痛用紫草一兩搗羅為散每於食前以井花水調下二錢七產後淋瀝同

前胡近道皆有生下濕地出吳興者為勝春生苗青白色似斜

蒿初出時有白茅長三四寸味甚香美又似芸蒿七月內開白

花與蔥花相類八月結實根似柴胡而柔軟苗生柴胡之前故

名前胡

前胡氣味苦微寒無毒

主治痰滿胸脇中痞心腹結氣風頭痛去痰下氣治傷寒寒熱
推陳致新明目益精○能去熱實及時氣內外俱熱單爰服
之治一切氣破癥結開胃下食通五臟主霍亂轉筋骨節
煩悶反胃嘔逆氣喘救安胎小兒一切疳氣○清肺熱化
痰涎散風邪

前胡本經中品



根外黑裏黃白

修治去蘆并髭土了水洗令潤細剉日中曬乾用之二八月采
權曰甘辛平之才曰半夏爲之使惡皂莢畏藜蘆
外臺秘要治小兒夜啼前胡搗篩蜜丸如大豆日服一九熱水
下至五六丸以差爲度
前胡使

白鮮始生上谷川谷及寬甸今近道處處有之以蜀中者爲良

苗高尺餘。莖青葉稍白如槐。亦似茱萸。四月開花淡紫色。似小蜀葵。根似蔓菁皮白而心實。四月五月採根陰乾。其氣息都似羊羶。故俗呼爲白羊鮮。陶弘景名白羶園。經各地羊鮮。今人呼爲白鮮皮。

氣味苦寒無毒。○主治頭風黃疸。效逆淋瀝女子陰中腫痛濕痺死肌不可屈伸起止行步。○療四肢不安時行腹中大熱飲水欲走大呼小兒驚癩婦人產後餘痛。○治一切熱毒風惡風風瘡疥癬赤爛眉髮脫脆皮肌急吐熱惡寒解熱黃酒黃急黃穀黃勞黃。○通關節利九竅及血脉通小

白鮮本經中品

苗可爲茹



根皮白色
入藥

腸水氣天行時疾眼疼頭痛其花同功○治肺嗽

白鮮皮惡蠅蝥蝥桔梗茯苓薜

藹乃愈洪治鼠瘻已有口膿血出者白鮮皮煮汁服一升當吐鼠子
白鮮皮臣

紫參始生河西及寃句山谷今所在有之苗長一二尺莖青而

細其葉青似槐亦有似羊蹄者五月開花白色似蔥花亦有紅

紫而似水荳者根紫黑色肉紅白色肉淺而皮深三月採根火

炙紫色而治療頗同人參故名紫參按錢起詩集云紫參幽芳

也五葩連萼狀如飛禽羽舉故俗名五鳥花

氣味苦寒無毒

主治心腹積聚寒熱和氣通九竅利大小便○療腸胃大熱唾

血衄血腸中聚血癰腫諸瘡上湯益精○治心腹堅脹散瘀
血治婦人血閉不通○主狂瘡瘟瘡熱血汁出○治血痢

根形

皮紫黑肉紅白

紫參本經中品



修治水洗細剉 別錄曰微寒之才曰畏辛夷 紫參使
金匱玉函治痢紫參半斤水五升煎二升入甘草二兩煎取半
升分三服

葉本始生崇山山谷今西川河東州郡及兗州杭州有之葉似
白芷香又似芎藭但芎藭似水芹而大葉本葉細且根上苗下
似禾藁故名藁本

氣味辛溫無毒

主治婦人疝瘕陰中腫痛腹中急除風頭痛長肌膚悅顏色○
辟霧露潤澤療風和躡曳金瘡可作沐藥面脂○治一百六
十種惡風鬼疰流入腰痛冷能化小便通血去頭風野炮○
治皮膚斑疔酒皸粉刺癩疾○治太陽頭痛巔頂痛大寒犯
腦痛連莖頰○頭面身體皮膚風濕○督脉為病脊強而厥

藁本本經中品

根黑色

二月采根暴乾

元素曰氣溫味苦

氣厚味薄升也陽

也及太陽本經藥

惡藺茹畏青箱子

保幼大全治小兒疥癬藁本煎湯浴之

始生華陰山谷石上。今處處有之。叢生石傍陰處。葉青背



有斑點黃毛綱目曰柔皮曰韋。此葉柔韌如皮故名石韋。

石韋氣味苦平無毒

主治勞熱和氣五癥

閉不通利小便水道

止煩下氣通膀胱滿

補五勞安五臟去惡

風益精氣治淋瀝遺

溺炒末冷酒調服治

發背甚効治崩漏金

瘡清肺氣

修治石韋水浸軟以新布拭去黃毛微炒入藥不則毛射人肺

令人欬不可療

別錄曰茸權曰微寒之才曰滑石杏仁射干為之使得葶藶良

制丹砂礬石

崩中漏下石韋為末每服三錢温酒調服甚効

石韋使

石韋

本經中品

二月采葉陰乾



並始生真定山谷。今河陝京東荆蜀諸郡有之。根黃白色多節。三指許大。苗葉俱青。作蔓生。葉作三叉似山芋。又似菜豆葉。花有黃紅白數種。亦有無花結白子者。春秋採根暴乾。唐本注云。此藥有二種。莖有刺者。根白實。無刺者。根虛軟。以軟者爲勝。醫學入門曰。草卑下也。鮮鮮也。言性能治下部疾。鮮下部毒也。故名草鮮。

氣味苦平無毒。

主治腰脊痛強骨節風寒濕周痺惡瘡不瘳熱氣。傷中恚怒。陰痿失溺老人五緩關節老血。冷風痹痺腰脚癱緩不遂。手足驚掣男子臂腰痛久冷腎間有膀胱宿水。頭旋癩疾。

補水藏堅筋骨益精明日中風失音○補肝虛○治白濁並
中痛痔漏壞瘡 根皮色黃白肉色白

草薺別錄中品

修治酥炙剉用



之才曰薺苳仁為之使畏葵根大黃紫胡前胡牡蠣
集玄方治小便頻數川草薺為末酒糊丸梧子大每鹽酒下七

十九

川草薺色白而虛軟山草薺色赤而堅硬凡用以白軟者為勝

白微

始生平原川谷今陝西諸郡及滁舒潤遼州亦有之莖葉

俱青頗類桃葉六七月開紅花八月結實根白色而微細故名

白微。

氣味苦鹹平無毒

主治暴中風身熱肢滿忽忽不知人狂惑邪氣寒熱酸疼溫瘡
洗洗發作有時○療傷中淋露下水氣利陰氣益精久服利
人○治驚邪風狂症病百邪鬼魅○風溫灼熱多眠及熱淋
遺尿金瘡出血
根黃白色類牛膝而短小

白微本經中品



修治白微以酒洗之剉用 三月五日採根陰乾

惡黃耆大黃大戟乾薑乾漆山茱萸大棗
儒門事親治金瘡出血白微為末貼之

白微臣

香齋所在皆種。但北土差少。似白蘇而葉更細。壽春及新安皆

有之。綱目曰：薰本作茱。土篇云：茱茱蘇之類是也。其氣香。其葉柔。故名香薰。食療本草名香茱。又有一種生石上。莖葉更細。色黃而辛香彌甚。用之尤佳。宋開寶名石香茱。

氣味辛微溫無毒

主治霍亂腹痛吐下散水腫。○去熱風卒轉筋者。煮汁頓服。半升即止。為末水服。止鼻衄。○下氣除煩。熱療嘔逆冷氣。○春月。煮飲代茶。無可熱病。調中溫胃。含汁漱口。去臭氣。○主脚氣寒熱。

苗葉花實俱用

乾形

香薰
本經
中品



石香葉氣味辛香溫無毒主治調中溫胃止霍亂吐瀉心腹脹

滿腹痛腸鳴功比香薷更勝制硫黃
修治去根剉用勿令犯火服至十兩一生不得食白山桃也

聖濟總錄治鼻衄不止香薷研末水服一錢

處處有之初春布地生苗莖類蒿而葉背白以複道者爲佳

三月三日五月五日采葉暴乾按王安石字說云艾可又疾久而彌善故字從乂醫家用灸百病故一名灸草別錄名醫草

艾葉氣味苦微溫無毒

主治灸百病可作煎止吐血下痢下部蠶瘡婦人漏血利陰氣

生肌肉辟風寒使人有子作煎勿令見風○搗汁服止傷血

虬蟲○主衄血下血膿血痢水黃及丸散任用○止崩血腸

痔血搗金瘡止腹痛安胎苦酒作煎治癰甚良搗汁飲治心

腹一切冷氣鬼氣○治帶下止霍亂轉筋痢後寒熱○治帶

脉為病腹脹滿腰溶溶如坐水中

艾別錄中品

艾形

五月五日采

不拘州土苗

短者善自

成化以來則

以蘄州者為

勝謂之蘄艾

天下重之

修治艾葉須用陳久者治令細軟謂之熟艾若生艾灸火傷人

肌脉故孟子云七年之病求三年之艾凡用擇久畜者揀取


淨葉揚去塵屑入石臼內搗熟去滓取白者再搗至柔爛如

綿為度用時焙燥則灸火得力入婦人丸散須以熟艾用醋

煮乾搗成餅子烘乾再搗末方得法

生溫熱熱可升可降陽也入足太陰厥陰少陰經苦酒香附為

之使



兵部手集治發背頭未成瘡及諸熱腫以濕紙搨上先乾處是熱氣衝上欲作瘡子便灸之如先疼痛灸即不痛即以痛為度

小兒黃爛瘡燒艾葉灰傅之 艾葉使

惡實 生魯山平澤。今處處有之。葉如芋而長大。實似巨勝而褐色。其殼狀惡而多刺鉤。故名惡實。鼠過之則綴惹不可脫。故名鼠粘子。其根葉可飼牛。故別錄名牛蒡子。術人隱之呼為大力子也。

惡實氣味辛平無毒

主治明目補中除風傷○風毒腫諸癩○研末浸酒每日服三二盞除諸風去丹石毒利腰脚又食前熟接三枚吞之散諸結節筋骨煩熱毒○吞一枚出癰疽頭○炒研煎飲通利小

便○潤肺散氣利咽膈去皮膚風通十二經○消斑疹毒

惡實別錄中品



子形

修治惡實酒拌炒焙乾搗粉用

即牛蒡子秋末採

痘疹要訣治咽喉痘疹惡實二錢桔梗錢半甘草節七分水煎服

地榆生桐柏及宛句山谷今處處有之宿根三月內生苗初生

布地莖直高三四尺對分出葉葉似榆葉而稍狹細長似鋸齒

狀青色七月開花如椹子紫黑色根外黑裏赤二月八月採根

暴乾因葉似榆初生布地故名地榆

氣味苦微寒無毒

主治婦人乳痃痛七傷帶下病止痛止汗除惡肉療金瘡○止

膿血諸癩惡瘡熱瘡補絕傷產後內塞可作金瘡膏消酒除
渴明目○止冷熱痢瘕痢極效○止吐血鼻衄腸風月經不
止血崩產前後諸血疾并水瀉○治膽氣不足○汁釀酒治
風痺補腦搗汁塗虎犬蛇蟲傷

地榆
本經
中品

根



皮黑肉紫

修治水洗剉用 虛寒人及水瀉白痢未可輕使
別錄曰地榆其酸氣味俱薄其體沉而降陰中陽也專主下焦

血之才曰得髮良惡麥門冬

千金翼治伐指逆腫單煮地榆作湯漬之半日愈

臞仙神隱書煮白石法七月七日取地榆不拘多少陰乾百日
燒為灰復取生者與灰合搗萬下灰三分生末一分合之若
石二三斗以水浸過三寸以藥入水攪之煮至石爛可食止

大薊小薊

小薊處處有之俗名青刺薊二月生苗二三寸時併

根作菜茹食甚美四月高尺餘多刺心中出花頭如紅藍花而
青紫色北人呼爲千針草四月采苗九月采根並陰乾用大薊
與此相似但肥大爾本草綱目曰薊猶髻也其花如髻也

大薊根葉氣味甘溫無毒

根

主治女子赤白沃安胎止吐血鼻衄令人肥健○搗根絞汁服
半升主崩中下血立瘥○葉治腸癰腹脹痰血作運撲損生
研酒并小便任服又惡瘡疥癬同鹽研罾之

小薊根苗氣味甘溫無毒

根

主治養精保血○破宿血生新血暴下血崩金瘡出血嘔血
等絞取汁溫服作煎和糖合金瘡及蜘蛛蛇蝎服之亦佳○
治熱毒風并胃膈煩悶開胃下食退熱補虛損○苗去煩熱

生研汁服○作菜食除風熱夏月熱煩不止搗汁半升服立瘥
大薊高三四尺葉皺

葉俱有刺

大薊小薊
別錄中品

小薊高尺許葉不皺



大小薊皆能破血但大薊兼療癰腫而小薊專主血不能消腫
梅師方治卒瀉鮮血小薊根葉搗汁溫服一升
外甚秘要治陰冷漸冷氣入陰囊腫滿恐死夜疼悶不得眠
煮大薊根汁服立瘥
陳藏器曰薊門以多薊得名當以北方者為勝也



水草之有文者。黑色如亂髮。葉類水藻而大。生東海池澤。

橫陳于海。若自澡濯然。故名海藻。

海藻氣味苦鹹寒無毒

主治癭瘤結氣散頸下

硬核癰腫癥瘕堅氣

腹中上下雷鳴下十

二水腫○療皮間積

聚暴癩瘤氣結熱利

小便○辟百和鬼魅

治氣急心下滿疝氣

下墜疼痛卵腫去腹

中幽作聲○治奔

豚氣脚氣水氣浮腫

宿食不消五膈痰壅

本經中品

一名薄

一名落首

一名海

蘿



七月七日

采暴乾

反甘草

氣味俱厚

純陰沉也

修治洗淨

鹹味性乾

用

又有一種

如短馬尾

細黑色

肘后方治領下瘰癧如梅李宜速消之海藻一升酒二升漬數

日稍飲之

海藻臣

昆布

葉如手大如薄葦紫色。吳普本草名綸布。一名昆布。則爾

雅所謂綸似綸。東海有之者。即昆布也。綸青絲綬也。訛而為昆
耳。醫學入門曰。昆大也。形長大如布。故名昆布。

昆布氣味鹹寒滑無毒

主治十二種水腫癭瘤聚結氣癭瘡破積聚治陰癢腫含之嚙
汁利水道去面腫治惡瘡鼠瘦

昆布
別錄
中品



昆布下
氣久服
之損人

千金翼治五癭昆布一兩切如指大酢漬含熱汁則愈
昆布臣

海帶出東海水中石上形似絲條薄而且長黃白色柔軟堪以
繫束物故名海帶。

海帶氣味鹹寒無毒○主治催生治婦人病及療風下水○治
水病癭瘤功同海藻

海帶
宋嘉祐

此係散條作成編者亦有結成繩者入藥水洗剉用



水萍始生雷澤池澤今處處溪間水中皆有之係柳絮隨風飛

起入池沼得水生成。一種面背皆綠。一種面青背紫。葉下微鬚。即其根也。平浮水面。故曰水萍。俗呼浮萍。

水萍氣味辛寒無毒

主治暴熱身癢。下水氣勝酒。長鬚髮。止消渴。久服輕身。○下氣以沐浴。生毛髮。○治熱毒風熱。熱狂。癩腫。毒湯。火傷。風癩。○搗汁服。主水腫。利小便。為末。酒服。方寸七。治人中。毒為膏。傳面黧。○治發背。

水萍本經中品

青萍

紫背浮萍

修治七月采紫背浮萍。揀淨以竹篩攤晒。下置水一盆。映之。即

易乾也

宋時東京開河掘得石碑。梵書天篆。無有曉者。真人林靈素逐字釋。解延是治中風方名。去風丹也。歌云。天生靈草無根幹。

本草原始

草部

二卷三三

不在山間不在岸始因飛絮逐東風泛梗青青飄水面神仙
一味去沉疴采時須是七月半選甚攤風與中風些小微風
都。不。算。豆。淋。酒。化。服。三。九。鐵。幘。頭。上。也。出。汗。
戲術種菜便生取水上浮萍些須和壁上土拌勻向人前撒開
土在地上却取菜子種撒去用水洒之則見前萍青葉如菜
初生也

澤蘭

始生汝南諸大澤傍。今荆徐隨壽蜀梧州河中府皆有之。

根紫黑色如栗根。二月生苗高二三尺。莖青紫色。作四稜。葉
生相對如薄荷微香。七月開花帶紫白色。萼通紫色。亦似薄荷
花。三月採苗陰乾。因葉似蘭。生于澤旁。故名澤蘭。

澤蘭氣味苦微溫無毒

治金瘡癰腫瘡膿。○產後金瘡內塞。○產後腹痛頻產血氣

寒冷成勞瘦羸婦人血滯腰痛○產前產後百病通九竅利
關節養血氣破宿血消癥瘕通小腸長肌肉消撲損瘀血治
鼻衄吐血頭風目痛婦人勞瘦丈夫面黃

澤蘭
本經
中品



三月三日采陰乾

修治澤蘭去莖取葉細剉盛絹袋懸于屋南畔角上令乾用

澤蘭防已爲之使

集簡方治產後陰戶燥熱遂成翻花澤蘭四兩煎湯熏洗二三

次再入枯礬煎洗之即安 澤蘭使

防已 始生漢中川谷今黔中亦有之但漢中出者破之文作車

輻解黃實而香。莖梗甚嫩。苗葉小類牽牛。折其莖。一頭吹之氣。從中貫。如木通然。他處者青白虛軟。又有腥氣。皮皺上有丁足子。名木防已。二月八月採陰乾。惟漢者勝。故古方每書漢防已。醫學入門曰。已止也。防止足疾也。


防已本經中品

防已氣味辛平無毒。○主治風寒

條防已

濕瘧熱氣諸癩除邪利大小便
療水腫風腫去膀胱熱和氣中
風手脚學急通腠理利九竅止
洩散癰腫惡結諸癰疥癬蟲瘡
治濕風口面喎斜手足拘痛散
留痰肺氣喘嗽治中下濕熱腫
洩脚氣行十二經

瓜防已



木防已主治男子肢節中風毒風不語散結氣擁腫溫瘧風水腫去膀胱熱

市賣防已一種如上條形類木通文如車輻理解鮮諸本草曰漢

防已或者是此也一種如上瓜形俗呼瓜防已今用甚多諸

本草並無載瓜防已者陳藏器曰如陶隱居所說漢木二防

已即是根苗爲名子玩條防已像苗瓜防已像根或者是根

苗爲名乎予未見其鮮形難辨是否以俟後之君子再正之

修治防已去皮剉酒洗晒乾用治水用漢防已治風用木防已

元素曰大苦辛寒陰也

之才曰殷孽爲之使殺雄黃毒惡細辛畏草薺鹵鹹伏消石

初虞世方治肺痿咯血多痰防已葶藶等分爲末糯米飲調下

一錢漢防已君木防已使

東垣云防已性苦寒純陰能瀉血中濕熱通血中滯塞補陰泄

陽助秋冬瀉春夏之藥也比之於人則陰而健者也幸災樂

禍遇有風塵之警能首爲亂階然而見善亦喜見惡亦怒如

善用之則可以敵凶暴之人突險固之地此瞑眩之藥聖人

所以存而不廢。尔今夫防已聞其臭則可惡下咽則令身心
煩亂飲之則少至于十二經有濕熱壅塞不通及冷下注脚
氣除痿弱積熱而此其基本非此藥不可真行經之仙藥也
亦在人善用而不錯爾復有不可用者數端若夫飲食勞倦
陰虛內熱元氣散氣已虧之病而以防已瀉去大便則重亡
其血此不可用一也如外感風寒和傳肺經氣分濕熱小便
黃赤甚至不通此上焦氣病禁用血藥此不可用二也如人
大渴引飲是熱在下焦氣分宜滲瀉之其防已乃下焦血藥
此不可用三也若人久病津液不行上焦虛渴宜補以人參
葛根之甘溫僅用苦寒之劑則速危亡此不可用四也仍不
止如此但上焦濕熱者皆不可用若係下焦濕熱流入十二
經以致二陰不通必須審而用之可也

天麻

始生鄆州利州泰山嶗山諸山今京東京西湖南淮南州

亦有之。春生苗。葉如芍藥而小。當中抽一莖。直上如箭鋒狀。


青赤色。故名赤箭。莖端結實。狀若續隨子。其根形如黃瓜。連生
一二十枚。猶如天門冬之類。味大辛而麻。竦故名天麻。俗呼爲
瓜天麻。

天麻氣味辛平溫無毒

主治諸風濕痺四肢拘攣小兒風癇驚氣利腰膝強筋力久服
益氣輕身長年○治冷氣瘧痺癱緩不遂語多恍惚多驚失
志○助陽氣補五勞七傷鬼疰通血脉開竅服食無忌○治
風虛眩運頭痛

天麻
宋開寶

皮黃白肉明
亮者佳



形瓜

形如羊角者
俗呼羊角天麻



不堪
用

天麻亦有皮蒼黑者。但以内肉膠色者為良。二月八月采根。

去皮沸湯畧煮過日乾。

修治酒浸洗以濕紙包於塘火中煨熟取出切片焙用。

好古曰天麻苦平陰中之陽也。

衛生易簡方治腰脚疼痛天麻半夏細辛各二兩絹袋二箇各盛藥令勻蒸熱交互熨疼處汗出則愈數日再熨。

高良薑 今嶺南諸州及黔蜀皆有之。內郡雖有。而不堪入藥。春

生莖葉如薑苗而大。高一二尺許。花紅紫色。如山薑。陶隱居言

此薑始出高良郡。故名高良薑。按高良即今高州也。漢為高涼

縣吳改爲郡。其山高而清涼。因以爲名。則高良當作高涼也。

氣味辛大溫無毒

主治暴冷胃中冷逆霍亂腹痛。○下氣益聲好顏色。煮飲服之。
止痢。○治風破氣腹內久冷氣痛。去風冷痺弱。○轉筋瀉痢。
反胃解酒毒消飲食。○含塊燕津治忽然惡心嘔清水。透
即瘥。若口臭者同草豆蔻爲末煎飲。

高良薑

別錄中品



色紫赤
氣辛烈



二月三月采
根截切暴乾

修治炒過入藥

俗呼良薑

元素曰辛熱純陽入足太陰陽明經
千金方治心脾痛以高良薑細剉微炒杵末米飲調下一錢愈
太祖高皇帝御製周顛仙碑文亦載其有驗云又穢跡佛有治
心口痛方云凡男女心口一點痛者乃胃間有滯或有蟲也

多因怒及受寒而起遂致終身俗言心氣痛者非也用高良薑酒洗七次焙研香附子醋洗七次焙研各記收之病因寒得用薑末二錢附末一錢因怒得用附末二錢薑末一錢寒怒兼有薑附各一錢半以未飲入生薑汁一匙鹽一捻服之立止韓飛霞醫通書亦稱其功云

高良薑使

紅豆蔻

生南海諸谷高良薑子也凡物盛多謂之寇此子形如

紅豆叢生故名紅豆蔻。

氣味辛溫無毒

主治腸虛水瀉心腹絞痛霍亂嘔吐酸水解酒毒○冷氣腹痛消瘴霧毒氣去宿食溫腹腸吐瀉痢疾

紅豆蔻

宋開寶



色淡紅亦有紫紅者

修治紅豆蔻微炒用
李時珍曰辛熱陽也浮也入手足太陰經若脾肺素有伏火者

切不可用

紅豆蔻今人調食饌多用權曰苦辛多食令人舌粗不思飲食

百部今江湖淮陝齊魯州郡皆有之春生苗作藤蔓葉大而尖
長頗似竹葉面青色而光根多部隊成百然故名百部

百部氣味甘微溫無毒

主治欬嗽上氣火灸酒漬飲

之○治肺熱潤肺○治傳

尸骨蒸勞治痔殺虬蟲十

白蝨蟲及一切樹木蛀蟲

燼之即死殺蟲及蠅蝶○

火灸酒浸空腹飲治疥癬

去蟲蠶咬毒

百部別錄中品



根下一

撮數十

枚相連

黃白色

二月八

月采根

暴乾用

修治百部酒浸一宿。漉出焙乾。剉用。

百部一窠八十三條者號曰地仙苗。若修事餌之可千歲也。

欵冬花

始出常山山谷及上黨水傍。今關中亦有之。根紫色。葉

似草薺。十二月開黃花。青紫莖。去土一二寸。初出如菊花。萼通

直而肥實無子。則陶隱居所謂出高麗百濟者。近此類也。又有

紅花者。葉如荷而斗直。大者容一升。小者容數合。俗呼爲蜂斗

葉。又名水斗葉。則唐注所謂狀如葵而叢生者是也。百草中惟

此不顧冰雪。最先春者也。故世謂之鑽凍。欵者至也。至冬而花

故名欵冬花。

氣味辛溫無毒

主治欬逆上氣善喘喉痺諸驚癩寒熱邪氣○消渴喘息呼吸
療肺氣心促急熱勞欬連連不絕涕唾稠粘肺痿肺癰吐膿
血潤心肺益五藏除煩消痰洗肝明目及中風等疾

欬冬花
本經中品



黃花者



紫花者



花腹中有絲次

正月旦
采花

修治欬冬花有黃紫二品入藥擇未舒嫩蓋去枝梗用
好古曰純陽入手太陰經之才曰杏仁為之使得紫莖良惡皂
黃消石玄參畏貝母辛夷麻黃黃耆黃芩連翹青箱子
揚誠經驗方治口中疳瘡欬冬花黃連等分為細末用唾津調

成餅子先以蛇床子煎湯漱口乃以餅子傅之少頃確住其瘡立消

款冬花君

紅藍花

即紅花也。始生梁漢及西域。花生時但作黃色茸茸。故

一名黃藍。博物志云黃藍張騫所得。今處處有之。人家場圃所種。冬而布子於熟地。春生苗。葉如小薊。夏乃有花。下作棘。彙多刺。花葉出棘上。圃人承露采之。采已復出。至盡而罷。棘中結實白顆。如小豆大。其花暴乾以染真紅。及作臘脂。主產後血病。爲勝。其實亦同。花紅色。葉頗似藍。故名紅藍花。俗呼紅花。

花氣味辛溫無毒

主治產後血運口噤腹內惡血不盡絞痛胎死腹中並酒煮服

亦主蠱毒○多用破留血少用養血○活血潤燥止痛散腫
通經○葉生搗碎傳遊腫○子吞數顆主天行瘡子不出

紅藍花
宋開寶



元素曰苦溫陰中之陽入心佐當歸生新血好古曰肝經血分
藥也入酒良

崔元亮海上方治喉痺壅塞不通者取紅藍花搗絞取汁一小
升服之以差為度如冬月無濕花可浸乾者濃絞取汁如前

服之極驗亦療婦人產暈絕者

牡丹

始生巴郡山谷及漢中。今丹延青越滁和州山中皆有之。

花有黃紫紅白數色。此當是山牡丹。其莖梗枯燥黑白色。二月於梗上止發五六葉耳。花單瓣。五月結子黑色。類母丁香。根黃白色。可五七寸長如筆管。大二月八月采根陰乾。本草綱目曰。牡丹以色丹者為上。雖結子而根上生苗。故謂之牡丹。

牡丹根皮氣味辛寒無毒

主治寒熱中風癰瘕驚癇和氣除癥堅癆血留含腸胃安五藏療癰瘡○除時氣頭痛客熱五勞勞氣頭腰痛風濕癩疾○久服輕身益壽○治冷氣散諸痛女子經脈不通血瀝腰痛○通關膝血脉排膿消撲損瘀血續筋骨除風痺治胎下胞

產後一切冷熱血氣○治神志不足無汗骨蒸衄血吐血○
和血涼血治血中伏火除煩熱

牡丹
本經中品



入藥用
牡丹皮
乃根上
皮非枝
幹上皮

此花一名木芍藥近世人多貴重圃人欲其花之詭異皆秋冬
移接培以糞土至春盛開其狀百變故其根性殊失本真此
品入藥絕無力也
修治采山中單葉紅花牡丹根以銅刀破之去骨酒洗淨細剉

日乾用

好古曰氣寒味苦辛陰中微陽入手厥陰足少陰經之才曰畏

貝母大黃兔絲子大明曰忌蒜胡荽伏砒

千金方治癩疔偏墜氣脹不能動者牡丹皮防風等分為末酒

服二錢甚効

肘後方治下部生瘡已決洞者服牡丹皮末方寸七日三湯服

荆三稜

生荆楚地故名荆三稜以著其地開寶本草作京非也

今江淮濟南河陝間皆有之多生淺水傍及陂澤中春生苗葉似莎草極長莖三稜如削大如大指高五六尺莖端開花大體如莎草而大黃紫色霜降後採根削去皮鬚暴乾荆三稜狀如鯽魚黃白體重黑三稜色若烏梅輕鬆去皮則白草三稜形如

雞爪屈曲根上生根一名雞爪三稜石三稜色黃堅硬如石種
 雖有四葉並三稜故名三稜

三稜氣味苦平無毒

主治老癥瘕積聚結塊產後惡血血結通月水墮胎止痛利
 氣○治氣脹破積氣消撲損瘀血婦人血脈不調心腹痛產
 後腰痛血暈○心膈痛飲食不消○通肝經積血治瘡腫堅
 硬○下乳汁
 三稜宋開寶二月八月采根

稜三荆



稜三黑



稜三草



稜三石



修治三稜醋浸切炒或以醋煮熟焙乾入藥乃良亦有以火炮

熟用者

元素曰苦其陰中之陽能瀉真氣真氣虛者勿用

志曰俗傳昔人患癥癖死遺言令開腹取之得病塊乾硬如石
文理有五色以為異物削成刀柄後因以刀刈三稜柄消成
水乃知此藥可療癥癖也

薑黃今江廣蜀川多有之葉青綠長一二尺許闊三四寸有斜

文如紅蕉葉而小花紅白色至中秋漸凋春末方生其花先生

次方生葉不結實根盤屈黃色類生薑而圓有節故名薑黃

氣味辛苦大寒無毒藏器曰性熱不冷

主治心腹結積症忤下氣破血除風熱消癰腫功力烈於鬱金
治癥瘕血塊通月經治撲損瘀血止暴風痛冷氣下食○祛
邪辟惡治氣脹產後敗血攻心○治風痺臂痛

薑黃唐本草



片子薑黃
形極似乾
薑肉色黃



八月
采根
晒乾

陳藏器曰薑黃真者是經種三年以上老薑能生花花在根際

一如蘘荷根節堅硬氣味辛辣種薑處有之

近時以扁如乾薑形者為片子薑黃可浸水染色

雷公云切片油炒

千金翼治瘡癬初生或始痛痒以薑黃末傅之妙

始出波斯國。番語也。今嶺南有之。多生竹林內。正月發苗

作叢高三四尺。其莖如筍。葉青圓闊二三寸。如桑面光而厚。三

月開花。白色在表。七月結子。如小指大。長二寸已來。黑色。類椹

子九月收採灰殺暴乾陳藏器本草作畢勃沒扶南傳作逼撥
大明會典作畢發李時珍本草曰葦撥當作葦菱

葦撥氣味辛大溫無毒

主治溫中下氣補腰脚殺腥氣消食除胃冷陰疝癖○霍亂冷
氣心痛血氣○水瀉虛痢嘔逆醋心產後洩痢與阿魏和合
良伴訶子人參桂心乾薑治臟腑虛冷腸鳴神效○治頭痛
鼻淵牙痛然辛熱耗散能動脾肺之火多用令人目昏

葦撥宋開寶



上乃子形

修治去挺以醋浸一宿焙乾用 缺葦撥市有以芥子造者

葦撥氣熱味辛陽也浮也入手足陽明經
唐太宗寶錄云貞觀中上以氣痢久未痊服它名醫藥不應因
詔訪求其方有衛士進黃牛乳煎葦撥法御用有效劉禹錫

亦記其事云後累試年長而虛冷者必效



今廣南江西州郡亦有之然不及蜀中者佳四月初生苗

似薑黃花白質紅末秋出莖心無實根銳圓有橫紋如蟬腹狀
色黃赤類金始產鬱林郡故名鬱金

氣味辛苦寒無毒

主治血積下氣生肌止血破惡血淋尿血金瘡○單用治女
人宿血氣心痛冷氣結聚溫醋摩傳之亦治馬脹○涼心○
治陽毒入胃下血頰痛○治血氣心腹痛產後敗血衝心欲
死失心顛狂蠱毒○入藥剉用

鬱金唐本草

形類莖木



大小不常



色黃類金



根如蟬腹有節
皮黃肉赤者真

鬱金薑黃二藥原不同種鬱金味苦寒色赤類蟬肚薑黃味辛
溫色黃似薑瓜亦有似薑塊者鬱金甚少薑黃甚多今市家
惟取多者欺人謂原是一物桔大者為薑黃小者為鬱金則
一種之藥大小不齊者多矣何嘗因其異形而便異其名也
夫何俗醫不味諸本草蟬肚之語而亦以薑黃之小者為鬱
金獨何歟

元素曰氣味俱厚純陰可浸水染衣
袖珍方治產後血氣上衝心痛鬱金燒灰為末二錢米醋調灌

明

今出茅山西上龍洞種之每年寒露後栽立春後生苗

葉如竹葉高三寸許根叢生如半夏色黃立夏掘取始生胡地
玄言其色也索言其苗交紐也後避宋真宗諱改玄為延也今
呼為延胡索。

氣味辛溫無毒

主治破血婦人月經不調腹中結塊崩中淋露產後諸血病血
運暴血衝上因損下血芟酒或酒磨服○除風治氣暖腰膝
止暴腰痛破癥瘕撲損瘀血落胎○治心氣小腹痛有效
散氣治腎氣通經終○活血利氣止痛通小便

玄胡索

茅



皮

形小

而黃

西玄



外



內

修治以茅山者為勝炒過咀片入劑
好古曰苦辛溫純陽浮也入手足太陰經
聖惠方治產後穢污不盡腹滿方延胡索杵為末和酒服一錢
立止心痛亦酒服

草薺

始生南海。今嶺南皆有之。苗似蘆。葉似山薑。杜若。葷。根

似高良薑。花作穗。嫩葉卷之而生。初如芙蓉。穗頭深紅色。葉漸

展花漸出。而色漸淡。亦有黃白色者。實若龍眼而無鱗甲。中如石榴子。候熟採之。暴乾。按楊雄方言云。凡物盛多曰寇。豆蔻之名。或取此義。豆象形也。

草豆蔻氣味辛溫。瀉無毒。

主治溫中心腹痛。嘔吐去口臭氣。○下氣止霍亂。一切冷氣。消酒毒。○調中補胃。健脾消食。去客寒。心與胃痛。○治瘴癘寒瘧。傷暑吐下。茂痢噎膈。反胃痞滿。吐酸痰飲。積聚。婦人惡阻。帶下。除寒燥濕。開鬱破氣。殺魚肉毒。制丹砂。

草豆蔻
別錄上品

形子



辛

淨



自果部
移入此

修治以麩裹煆火煨熟去麩用

好古曰大辛熱陽也浮也入足太陰陽明經

千金方治心腹脹滿短氣以草豆蔻一兩為末以木瓜生薑湯

下半錢



始生胡國胡名迦拘勒今惟嶺南人家種之春生苗花

實似草豆蔻而圓小皮紫紫薄中肉辛辣衍義曰肉豆蔻對草

豆蔻言之

肉豆蔻氣味辛溫無毒

主治溫中消食止洩治積冷心腹脹痛霍亂中惡鬼氣冷症嘔

沫冷氣小兒乳霍○調中下氣開胃解酒毒消皮外絡下氣

○治宿食痰飲止小兒吐逆不下乳腹痛○主心腹蟲痛脾

胃虛冷氣併冷熱虛洩赤白痢研末粥飲服之○暖脾胃固

大腸

肉油色者佳

肉豆蔻
宋開寶

一名
肉果



紫色



外有皺紋內有斑
縷紋如檳榔紋

修治麩裹於燬火中煨熟去麩用勿令犯銅 入手足陽明經
普濟方治霍亂吐利肉豆蔻煨為末薑湯服一錢 肉豆蔻若

補頭脂 始生廣南諸州及波斯國今嶺外山坡間多有之不及

蕃舶上來者佳莖高三四尺葉似薄荷花微紫色實如麻子圓
扁而黑九月採胡人呼為婆固脂而俗訛為破故紙也名為補

骨脂者言其功也。

補骨脂氣味辛大溫無毒
上治五勞七傷風虛冷骨髓傷敗腎冷精流及婦人血氣墮胎

男子腰疼膝冷囊濕逐諸冷痺頑止小便腹中冷○興陽車
明耳目○治腎泄通命門煖丹田歛精神

補骨脂即破故紙

色黑氣香

類苧麻子

修治酒浸一宿漉出日乾炒用一法以鹽同炒過日乾用
日華子云南蕃者色赤廣南者色綠

破故紙今人多以胡桃合服此法出於唐鄭相國自叙云予為
南海節度年七十有五趙地卑濕傷於內外衆疾俱作陽事
衰絕服乳石補益之藥百端不應元和七年訶陵國船主李
摩訶知予病狀遂傳此方并藥予初疑而未服摩訶稽首固
請遂服之經七八日而覺應驗自爾常服其功神驗十年二
月罷即歸京錄方傳之破故紙十兩淨擇去皮洗過搗篩令
細用胡桃瓢三十兩湯浸去皮細研如泥即入前末更以好
蜜和攪令勻如飴糖盛於瓷器中旦日以暖酒二合調藥一
匙服之便以飯壓如不飲酒人以煖熱水調亦可服彌久則
延年益氣悅心明目補添筋骨但禁食芸薹羊血餘無忌

經驗方治腰疼神妙用破故紙為末溫酒下三錢
嬰童百問治小兒遺尿破故紙炒為末每夜熱湯服五分

縮砂密

始生西海及西戎波斯諸國今惟嶺南山澤間有之苗

莖似高良薑高三四尺葉青長八九寸闊半寸已來三月四月
開花近根處五六月成實五七十枚作一穗狀似白豆蔻殼有
粟文細刺黃赤色殼內細子一團八漏可四十餘粒如黍米大
微黑色八月採此物實在根下皮緊厚縮皺仁類砂粒密藏殼
內故名縮砂密也俗呼砂仁

氣味辛溫瀟無毒

主治虛勞冷瀉宿食不消赤白洩痢腹中虛痛下氣○主冷氣

痛止休息氣痢勞損消化水穀溫煖肝腎○上氣欬嗽奔豚
鬼疰驚癇和氣一切氣霍亂轉筋能起酒香味○和中行氣
止痛安胎○治脾胃氣結滯不散○補肺醒脾養胃益腎理
元氣通滯氣散寒飲脹痞噎膈嘔吐止女子崩中除咽喉口
瘡浮熱化銅鐵骨哽

縮砂密

連殼縮砂密形



去殼縮砂密形



味辛氣香

修治去殼取仁慢火炒熟杵碎入藥 煮酒及調食味多用

珣曰得訶子豆蔻白蕪荑鼈甲良

陽也浮也入手足太陰足少陰七經

孫尚藥治婦人妊娠偶因所觸或墜高傷打致胎動不安腹痛

不可忍者縮砂密不計多少熨斗內盛慢火炒令熱透去皮

用仁搗羅為末每服二錢用熱酒調下須臾覺胎動處極熱

即胎已安神效

縮砂密君

始生西戎及廣南諸州。今江浙或有之。三月生苗在田野中。其莖如錢大。高二三尺。葉青白色。長一二尺。大五寸已來。頗類蕷荷。五月有花作穗。黃色。頭微紫。根如生薑。而莖在根下。似雞鴨卵。大小不常。九月採削去麤皮。蒸熟。暴乾用。一名蓬藥。俗呼蓬朮。亦呼莪朮。 葦音迷

氣味苦辛溫無毒

主治心痛腹痛中惡瘕忤鬼氣霍亂冷氣吐酸水解毒飲食不消酒研服之。久療婦人血氣。丈夫奔豚。○破瘰癧冷氣。以酒醋磨服。○治一切氣。開胃消食。通月經。消瘀血。止損折痛。下血及內損惡血。○通肝經聚血。

併醋良

蓬莪茂
宋開寶



九月
採根

修治以醋炒或煮熟用取其引入血分也頌曰此物堅硬難搗
治用時熱灰火中煨令透乘熱搗之即碎如粉
保幼小全治初生小兒吐乳不止蓬莪茂少許鹽一綠豆大以
乳一合煎三五沸去滓入牛黃兩粟大服之甚效也

白前今蜀中及淮浙州郡皆有之。苗似細辛而大。色白易折。亦
有似柳。或似芫花苗者。並高尺許。生洲渚沙磧之上。根白色長
於白微。苗生於白微之前。故名白前。

白前氣味甘微溫無毒主治胸脇逆氣欬嗽上氣呼吸欲絕
主一切氣肺氣煩悶賁豚腎氣降氣下痰



別錄
中品

二月八月採根陰乾根比白微麓長而脆

修治白前先用甘草水浸一伏時後漉出去頭鬚了焙乾任用
本草蒙筌曰似牛膝粗長堅直易斷者白前也似牛膝短小
柔軟能彎者白微也以此別之不致差誤

白藥始出原州今夔施江西嶺南亦有之三月生苗葉似苦苣

四月抽赤莖長似壺盧蔓六月開白花八月結子九月采根以
水洗切碎暴乾色白堪為治馬肺熱之藥故名白藥俗呼白藥

子。

氣味辛溫無毒。○主治金瘡生肌。○消腫毒喉痺消痰止咳治渴并吐血。○治喉中熱塞不通咽中常痛腫。○解野葛生金巴豆藥毒刀斧折傷乾未傳之能止血痛。

白藥唐本草即白藥子

今治馬用最多

市買者皆片子類天

花粉堅實而小



色白



九月
枝折
根
日採
乾

薏苡

即水紅也。生水傍。今所在下濕地皆有之。似蓼而葉大赤。

白色高丈餘。花作穗紅色。故名薏苡。詩云隰有遊龍是也。

實氣味鹹微寒無毒。主治消渴去熱明目益氣。

花散血消積止痛。

葇草別錄中品
陳藏器云作湯
浸水氣惡瘡腫

佳

唐本注云有毛

花紅白除惡瘡

腫脚氣黃濃汁

漬之多差

似馬蓼
而大



實大如黍圓區而黑

修治
子或
炒或
為末
隨方
甚不
可用
蓼實

莎草根

即香附子也。生田野。交州者大如棗。近道者如杏仁許。

莖葉都似三稜。根若附子。周匝多毛而香。故名香附子。今近道

生者。苗葉如薤而瘦。根如筋頭大。二月八月采根。本草綱目云。

其根相附連續而生。可以合香。故謂之香附子。其草可爲笠及雨衣。踈而不沾。故字從草從沙。上古謂之雀頭香。按江表傳云。魏文帝遣使于吳求雀頭香。即此。其葉似三稜及巴戟。而生下濕地。故圖經一名水三稜。一名水巴戟。金光明經謂之目萃哆。

記事珠謂之抱靈居士。

根氣味甘微寒無毒

主治除胸中熱。充皮毛。久服令人益氣。長鬚眉。○治心腹中客熱。膀胱間連脇下氣。妨常日憂愁。不樂心。忪少氣。○治一功。氣霍亂吐瀉。腹痛。腎氣膀胱冷氣。○散時氣。寒疫。利三焦。解六鬱。消飲食積。聚痰痞滿。肘腫。腹脹。脚氣。止心腹肢體頭目。齒耳諸痛。癰疽。瘡瘍。吐血。下血。尿血。婦人帶下。月候不調。胎。

前產後百病

苗及花主治丈夫心肺中虛風及客熱膀胱連脇下時有氣妨
皮膚癢痒癩癬飲食不多日漸瘦常有憂愁心忪少氣等證
並收苗花二十餘斤剉細以水二百五十斗煮一石五斗斛中
浸浴令汗出五六度其癩痒即止四時常用癩疹風永除
煎飲散氣鬱利胃腸降痰熱

莎草別錄中品

凡采得莎草根陰乾
於石臼中搗之切忌

鐵器

修治莎草根或生或
炒或酒或醋鹽水薑
汁童便浸諸法各從
本方



花紫色

莖三稜

葉堪作飲

根名香附子

氣厚於味陽中之陰血中之氣藥也

經驗方治酒腫虛腫香附子搗淨米醋煮乾焙研為末米醋糊

丸服久之敗水從小便出神效

袖珍方治蜈蚣咬傷嚼香附塗之立效

生佛誓國今廣州亦有之春夏生葉青滑可愛結實

似梧桐子及蔓荊子微大八月九月採之一名毗陵茄子皆苗

語也。

氣味辛溫無毒主治下氣消

食去皮膚風心腹間氣脹令

人能食療鬼氣能染髮及香

身○治一切冷氣痰癖并霍

亂吐瀉肚腹痛腎氣膀胱冷

暖脾胃止嘔吐噦逆



珣曰胡椒生南海諸

國向陰者為澄茄向

陽者為胡椒按廣志

云生諸海國嫩胡椒

也青時就樹採摘造

之柄粗而蒂圓是也

修治去柄酒浸晒乾杵碎用
壽域神方華澄茄白豆蔻等分為漢乾甜之治噎食不納效

胡椒

始出摩伽陀國呼為昧履支今南番諸國及交趾滇南海

南諸地皆有之其苗蔓生莖極柔弱葉長寸半有細條與葉齊

其條上結子兩兩相對其葉晨開暮合合則裹其子于葉中形

似漢椒至辛辣故得椒名。

胡椒色深多皺澄茄色淺皺少

胡椒氣味辛大溫無毒主治下氣溫中去痰除臟腑中風冷去
胃口虛冷氣宿食不消霍亂氣逆心腹卒痛冷氣上衝調五臟
壯腎氣治冷痢殺一切魚肉蠶毒去胃寒吐水大腸寒滑暖
腸胃除寒濕反胃虛脹冷積陰毒牙齦浮熱作痛

胡椒唐本草木部移入此

色黑皮
皺味辣

●●● 六月采今食料用

胡椒辛熱純陽走氣助火昏目發瘡多食損肺傷脾令人吐血
孟詵食療治心腹冷痛胡椒三七枚清酒吞之或云一歲一粒

胡黃連

始生胡國呼爲割孤露澤今南海及秦隴間亦有之初

生似蘆乾似楊柳枯枝心黑外黃不拘時月收採其性味功用
似黃連故名胡黃連

胡黃連氣味苦平無毒主治補肝膽
明目治骨蒸勞熱三消五心煩熱
婦人胎蒸虛驚冷熱洩痢五痔厚
腸胃益顏色浸人乳汁點目甚良
治久痢成疳小兒驚癇寒熱不下
食霍亂下痢傷寒欬嗽溫瘧理腰
腎去陰汗去果子積
惡菊花去參白鮮皮解巴豆之毒



皮黃白亦有
蒼黑者肉有
白點類梅花

胡黃連
宋開寶
折之塵
出如烟
者真肉
似鸚鵡
眼者良

濟急仙方治嬰兒赤目茶調胡黃連末塗手足心即愈

鱧腸

即蓮子草也。生下濕地。所在坑渠間多有。苗似旋覆。開花

細而白。其實若小蓮房。俗謂之旱蓮草。鱧烏魚也。其腸亦烏。此

草莖斷之有墨汁出。故名鱧腸。

鱧腸氣味甘酸平無毒

主治血痢。鍼灸瘡。發洪

血不可止者。傳之立

已。汁塗髮眉。生速而

繁。○烏髭髮益腎陰

止血。排膿通小腸。傳

一切瘡。并蠱癘。○膏

點鼻中添腦

一名墨煙草。一名墨菜



旱蓮草
唐本草

六月採
青嫩
無泥
土者
不用
洗
去黃
葉用

使君子 始生交廣等州。今嶺南州郡皆有之。生田野中及水岸。

其葉青。如兩指頭長二寸。其莖作藤如手指。三月生花淡紅色。久乃深紅。有五瓣。七八月結子。形如梔子。稜瓣深而兩頭尖。亦似訶梨勒而輕。俗傳始因潘州郭使君療小兒多是獨用此物。後來醫家因號爲使君子也。

使君子氣味甘溫無毒主治

小兒五疳小便白濁殺蟲

療瀉痢○健脾胃除虛熱

治小兒百病瘡癰


修治去殼取仁然仁絕小難

得今醫家或兼用殼

皮黑仁白



使君子亦治小兒頭面陰囊虛腫用仁五錢蜜五錢炙盡爲末每食後米湯調服一錢

始出伽古羅國。今廣州宜州亦有之。不及蕃舶者佳。苗類芭蕉。葉似杜若。長八九尺而光滑。冬夏不凋。花淺黃色。子作朶。如葡萄。生青熟白。七月採。殼內子如豆。一團三四十粒。似草豆蔻。故名白豆蔻。

氣味辛大溫無毒。主治積冷氣。止吐逆。反胃。消穀。下氣。○散肺中滯氣。寬膈。進食。去白睛翳膜。○補肺氣。益脾胃。理元氣。收脫氣。○治噎膈。除瘧疾。寒熱。解酒毒。

白豆蔻宋開寶



殼白



仁似砂仁

修治去殼取仁炒用。味薄氣厚。浮而升陽也。入手太陰經。

本草原始卷之二